



Çûndina mecbûrî ya dibistanê

Agahdarî ji bo dê û bav û fêrkaran

Perwerdehî ji bo zarokê we girîng e û ji bo ku zarokê we bikaribin xwe bigihînin perwerdeya herî baş û vebijarkên kar û jîyana xwe zêde bikin, amadehiya bi rêk û pêk a li dibistanê pêwîst e. Dibistanên giştî yên NSW bi dê û bavan re bi hevkarî dixebitin da ku bi rêk û pêk beşdarîya zarok û ciwanan bibin. Dema zarokê we her roj diçe dibistanê fêrbûn hêsantir dibe û dê zarokê we bi zarokên din re dostaniyê ava bike.

Berpirsariyên min ên hiqûqî çi ne?

Perwerdeya li New South Wales ji bo hemû zarokên di navbera şeş salî û di bin temenê herî kêr ê 17 salî ya ji dibistanê derkeve de mecbûrî ye. Qanûna Perwerdeyê ya sala 1990 dixwaze ku dê û bav zarokên xwe yên di emrê dibistana mecbûrî de qeyd bikin, û bi rêk û pêk biçin dibistanê, an jî li Saziya Pîvanên Perwerdehiyê ya NSW ji bo xwendina malê qeydkirî bin.

Piştî qeydkirinê, her roja dibistan vekirî be ji bo xwendekaran divê zarok biçin dibistanê.

Giringiya gihîştina li dibistanê di wextê de

Gihîştina li dibistanê û dersê de:

- piştrast dîke ku xwendekar ji çalakiyên girîng ên fêrbûnê yên ku di destpêka rojê de hatine plankirin bê par namînin
- Ji xwendekaran re dibe alîkar ku girîngiya diyarî û rûtin fêr bibin
- wextê dide xwendekaran ji hevalên xwe bibînin berî dersên xwe
- li hev xistina pole kêr dîke.

Derengî wekî tunebûnêka parçeyî tê tomarkirin û divê ji aliyê dê û bavan ve were ravekirin.

Lê heger zarokê min ji ber sedemekê ji dibistanê dûr bûye?

Carinan dibe ku hewce bike ku zarokê we ji dibistanê dûr be. Sebebên mafdar ên nebûna xwendekaran ev in:

- Nexweşbûn, an jî nexweşîyek a vegir
- serlêdanek bijîjkî ya bêserûber
- Tê xwestin ku beşdarî betlaneya olî ya naskirî bibin
- Rewşa malbatê ya awarte an jî lezgîn.

Li dû nebûna li dibistanê, divê hûn di nava 7 rojan de piştrast bikin ku hûn ji bo nebûna xwe bi devkî an jî nivîskî li dibistana zarokê xwe bidin. Lê belê, eger dibistan di nava 2 rojan de ji we daxuyanî negirtibe, ji bo nîqaşkirina nebûna dibistanê dikare bi we re têkilîyê deyne.

Heger ne bawer bin ku tunebûn di berjewendiya zarokê we de ye, dibe ku mûdîr daxuyanîyekê qebûl nekin. Di van şertûmeran de nebûna zarokê we dê wekî bêdadî bihata qeydkirin. Dema ku ev pêk hat, midûr dê bîrara xwe bi we re û sedemên wê nîqaş bike.

Midûr, dema ku ji ber nexweşîya zêde an jî demdirêj dîyar dibe, dibe ku belgenamêyên bijîşkî an belgeyên din bixwazin. Midûr dikarin destûra dê û bavan bixwazin ku bi pisporên bijîşkî re biaxivin da ku agahîyan bistînin da ku bi hevkarî planeke lînîhêrîna tenduristîyê bi pêş bixin da ku zarokê we destek bikin. Eger daxwaz bê redkirin, esas dikare bêdadiyan weke bêmafî qeyd bike.

Rêwîti

Malbat di betlaneya dibistanê de ji bo gerê tîn teşwîqkirin. Eger di dema dibistanê de ger pêwîst be, vê yekê bi midûrê dibistanê yê zarokê xwe re nîqaş bikin. Dibe ku sepana ji bo hiştina dirêjkirî bê temamkirin. Kêmasîyên têkildarî gerûgeştê dê wekî ku li ser pêyan bimînin bîn nîşankirin û ji ber vê yekê dê tevkarîyê li tunebûnê giştî yê salê yê zarokê we bikin.

Di hin şert û mercan de dibe ku xwendekar di 50 rojên dibistanê de ji bo demên gerûgeştinê di perwerdeya dûr de bikarin xwe bistînin. Divê ev yek bi midûrê dibistanê yê zarokê we re bê nîqaşkirin.

Zarokê min naçe dibistanê, divê ez çi bikim?

Ji bo ku hûn vê mijarê nîqaş bikin divê di zûtirîn demê de bi midûrê re têkilîyê deynin û alîkarîyê bixwazin. Stratejîyên ji bo başkirina beşdarbûnê, dibe ku ji bo tîma fêrbûn û piştgirîyê ya dibistanê an jî girêdana zarokê we bi torên alîkarîyê yê guncaw ve girêdayî be. Ya sereke, ji bo pêşvebirina Planeke Başkirina Amadebûnê, dikare ji Bernameya Peywirê ya Dibistana Malê zêdetir piştgirîyê bixwaze.

Eger zarokê min nebûna xwe ya nayê qebûlkirin bidomîne, dibe ku çi bibe?

Divê mirov fêr bike ku Wezareta Perwerdehiyê dikare ji bo ku zarokên di temenê dibistanê yê mecbûrî de hejmarên nebûna nediya an jî neheq ên ji dibistanê re dubare kirine, hîn bêhtir gav bavêje.

Dibe ku hin ji van kirinên li jêr werin kirin:

- Konfêransên Xwendinê yê Mecbûrî

Dibe ku ji we bê xwestin ku tevî zarokê xwe beşdarî Konferanseke Xwendinê ya Mecbûrî bibin. Konferans ji bo tespîtîkirina piştgirîyên ku zarokê we divê li cihê xwe be dê bibe alîkar da ku bi rêk û pêk biçin dibistanê. Dibistan, dê û bav û ajans dê bi hev re bixebitin da ku planeke lihevîkirinê (wek peymanên tê zanîn) pêş bixin da ku zarokê we li dibistanê amade bibe.

- Serî li Dadgeha Zarokan - Fermana Xwendina Mecbûrî

Eger çûyîna zarokê we li dibistanê nebaş be, dibe ku Wezaret ji bo fermannamêya mecbûrî ya xwendinê serî li Dadgeha Zarokan bide. Dadweriya Dadgeha Zarokan dikare ferman ê bide ku Konferansa Xwendinê ya Mecbûrî bê lidarxistin.

- Dozgeriyê li Dadgeha Herêmi

Karmendên dibistan û wezaretê, ji bo çareserîkirina pirsgerêkên ku rê li ber beşdarbûna zarokê we ya li dibistanê digirin, bi hevkarîya we dixebitin. Di rewşên ku îxlalkirina fermanên mecbûrî yê xwendinê pêk tînin de, dibe ku li Dadgeha Herêmi li dijî dê û bavekî çalakî werin kirin. Encama bîrara dadgehê dikare bibe ferzîkirina sîparîşa xizmeta civakê an jî cezayê pereyan.

Zarokê min dikare di kîjan temenî de ji dibistanê derkeve?

Hemû xwendekarên New South Wales divê sala 10an an jî wekhevîya wê temam bikin. Piştî sala 10 û heta digihêjin 17 salîyan, ji bo xwendekar karibin dibistana xwe temam bikin gelek vebijêrkên nerm hene.

Bi hevkarî bixebitin

Dezgeha NSW ya Perwerdeyê pêdihese ku bi hevkarî ligel xwendekar û malbatên wan kar dikin, rêya herî baş e jibo piştgirîya berdeambûna xwendekaran li dibistanê.

Em bêsêbir in ku ji bo ku zarokê we derfetên xwe yê jîyanê bi cih bîne bi we re hevkarîyê bikin.

Servîsa tercûmanê telefonê

Heger hûn agahiyên zêdetir bixwazin, ji kerema xwe bi dibistanê re bikevin têkilîyê. eger pêdivîya we bi alîkarîya wergêran hebe ji bo ku hûn bi dibistanê re bikevin têkilîyê, ji kerema xwe telefonî 131 450 bikin, ji wan re bibêjin bê ka pêdivîya we bi kîjan zimanî heye û ji operatorê bixwazin ku telefonî dibistanê bikin. Ji bo alîkarîya we ya ji bo axaftina we, operator dê wergêrekî li ser xetê bistînin. Ev xizmet belaş e.